



Inatsisartunut ilaasortaq
Hr. Jens B. Frederiksen

2008-imi saarullittassiissutit pillugit – nr. 73-imut akissut

Naalackersuisoqarfiup § 36 imm. 1 naapertorlugu apeqquteqaatit 22. september 2008 tiguvaa.

Naalackersuisut sinnerlugu matumuuna saarullittassiinermut tunngatillugu apeqqutigisatit akissuteqarfigissavakka.

Illumoorpoq Naalackersuisut kalaallit aalisartitseqatigiiffiit avataasiortunut 2008-imi katillugit 10.400 tonsinik saarullittaasiisimmata. Aalisartitseqatigiit arfinillit namminerisamik angallataatillit akuersissuteqarfigineqarput katillugit 8.200 tonsinik aalisarsinnaanissaminnut. Aalisartitseqatigiit marluk (Tunami Tsuuddii A/S (TT) aamma North Greenland Seafood (NGS)) pisassiissutit sinneri 2.200-iusut pissarsiaarat sulili akuersissummik tunineqaralik.

Sermitsiami KNR-imilu raadioaviisimi oqaatigineqarsimasut oqaaseqarfigis-sanngilakka.

1. Aalisagartassiissutit tunniunneqartarput aalisarnermut inatsimmi § 14 stk. 1 malillugu: "Akuersissuteqaatit piffissami aalajangersimasumi aalisagartassat amerlaanerpaaffissalerlugit tun-niunneqartarput." Aalisagartassiissutit akuersissutillu imminnut atammata, uagut paasinninnerput malillugu aalisagartas-siissutinik pissarsisoq akuersissuteqarfigineqassaaq nammi-neq aalisariumminut. Naalackersuisut qinnuigineqarput piima-saqaatit nassui-aqqullugit, piginneqatigiiffiit qanoq akuersissu-teqarfigineqarnissaminnut naammassisimassagaat.

Avataasiortunut pisassiissutit piffissami aalajangersimasumi aalisar-neqartussat eqqarsaatigalugit qinnuteqaatit tiguneqarsimasut aallaavigalugit ukiut tamaasa isummernissamut tunngavissior-toqartarpoq. Qinnuteqaatit Naalackersuisut politikikkut anguniaagaannut naapertuutillugit soorlu nu-nap immikkoortuini ineriartortitsinissanut aammalu agguaasseriatsinut

27. september 2008
j.nr. 01.28/2008
64.21.08
Postboks 269
3900 Nuuk
Oq/tel +299 34 50 00
Fax +299 32 47 04
aapip@gh.gl
www.nanoq.gl

anguniakkanut tunngasutigut, Naalakkersuisut immikkut ittumik akuersissuteqarnissartik aalajangiiffigisinnaasarpaat. 2008-imut tunngatillugu Naalakkersuisut aalajangersimapput Tunumi aalisarnermik inuussutissarsiteqarnerup ineriartortinneqarnissaa taamaasillunilu Tunumi suliffissanik pilersitsinnaanissaq salliutinneqassasoq. Tamanna ilaatigut pissaaq tappavani najugaqartut sinerissap qanittuani aalisartinneqalernerisigut kiisalu tunumiut aalisarnermik inuussutissarsiteqarnermik ilinniartinneqarnerisigut. Pisassiissutit agguarnissaannut piumasaqaatit immikkut ittut tamakku aalisarsinnaanissamut akuerineqarnissamut piumasaqaatit ilagaat. Taamaakaluartoq pisassiissutinik tunniussisoqarnissami tamat tunngavilersuutaat apeqqutaatinnagit aalisarnermut inatsimmi aalajangersakkat aallaavittut atorreqartarput. Taamaakaluartoq Aalisarnermut Inatsimmi § 6 imm. 6 naapertorlugu angallatinut piumasaqaatit eqqarsaatigalugit immikkut akuersissuteqartoqarsinnaasarpooq, tamanna Kalaallit Nunaanni aalisarnermut inuussutissarsiteqarnermut Kalaallit Nunaaniluunniit tunisassiorfinnut pingaaruteqassatillugu. Tunumi aalisarnermik nutaamik ineriartortitsineq kiisalu tunumi tunisassiorfitsigut suliffissanik pilersitsineq nalilersorneqarput Aalisarnermut Inatsimmi § 6 imm. 6 naapertorlugu.

2. Tamanut tusagassiissutigineqarpoq ikinnerpaamik piginneqatigiiffiit pingasut suli aalisagartassiissutigineqartut piasarinnanissaannut akuersissutinik tunineqarsimanngitsut, naatsorsuutigineqartorli immikkut akuersissuteqartoqarumaartoq aalisariutinik allanit pigineqartunik atorlutik piisarinsinnaanissaannut. Naalakkersuisut qinnuigineqarput immikkut akuersissuteqarnissamut tunngavilersuutit suunersut nassuiaateqarfigeqqullugit, piginneqatigiiffinniit piginneqatigiiffinnut.

Siullertut ilisimatitsissutigineqassaaq Arctic Prime Fisheries A/S sinerissap qanittuani avataasiorlunilu pisassaminik aalisarnissamini namminerisaminik angallataateqarmat. Angallatinut piumasaqaatit eqqarsaatigalugit immikkut akuersissuteqarnermi inatsisitigut tunngavigineqartut apeqqummut uunga akissutigineqartuni atuarneqarsinnaapput.

North Greenland Seafood ApS: Naalakkersuisut 31. juli aalajangerput aalisarnermut inatsimmi § 6 imm. 6 naapertorlugu immikkut akuersissuteqartoqarallassasoq immikkullu akuersissut taamaallaat ukioq manna atuutinneqassasoq. Tamatuma saniatigut immikkut piumasaqaateqartoqarpoq North Greenland Seafood ApS angallamik attartornissamik isumaqatigiissuteqassasoq taamatut isumaqatigiissuteqartarnerni piumasaqaatinik naam-massinissimasumik.

Tunumi Tsuuddii A/S: Naalakkersuisut 18. september 2008 aalajangerput aalisartitseqatigiiffik angallammik attartornissaminut immikkut akuerineqassasoq. Attartornermi piumasaqaatit bilagitut ilanngullugit nassiunneqarput. Tunumi Tsuuddii A/S-ip immikkut akuersissuteqarfigineranut tamakku tunn-

gavinnut ilaapput. Tunumi Tsuuddii A/S aamma Arctic Prime Fisheries tamat oqartussaaffigalugit attartornissaq pillugu isumaqatigiissuteqarput Barecon Bare-boat Charter-imik taaneqartartoq naapertorlugu. Tunumi Tsuuddii A/S-imut immikkut akuersissut "pituttorneqarsimavoq" immikkoortinneqarluni makkuninnga piumasaqaatitalerlugu:

"1) Suut tamaasa oqartussaaffigalugit attartornissaq (Barecon 1993 aamma BARECON 2001 aallaavigalugit) Naalackersuisunit akuerineqassappat, sillimasiinissamut tunngasutigut nammineq aalajangiiffigisinnaasamik, inasutigineqarpoq akuersissut tunniunneqassasoq makkuninnga tunngavilersorlugu:

a) Tamat oqartussaaffigalugit attartortitsinissaq siusinnerusukkat atorneqartarsimasunit sakkukinnerusumik piumasaqaatitalik tunumi pilersaarutitut aningaasaqarniarnikkut annertunngitsunik tunngavissalinnut tunngatillugu taamaallaat tunniunneqartassasut.

b) Tamat oqartussaaffigalugit attartortitsinissaq siusinnerusukkat atorneqartarsimasunit sakkukinnerusumik piumasaqaatitalik taamaallaat tunniunneqassasoq piffissap aalajangersimasup iluani attartortunut, uani pineqartumi 2008-p naanissaata imaluunniit pisassat nungunnissaasa tunngaanut.

2) Aalisarnermut inatsimmi § 6 imm. 6 aamma inatsimmi § 2 imm. 3 naapertorlugit immikkut akuersissuteqarneq kisiat pineqarmat akuersissuteqarnermi immikkut piumasaqaateqartoqartariaqarpoq:

a) akuerissut aatsaat tunniunneqarsinnaavoq angallammi attartorneqartumi inuttat amerlanersaat inuussutissarsiutigalugu aalisartuuppata siulianilu pineqartumi najugaqartuuppata, aamma

b) Tamat oqartussaaffigalugit attartortitsinissaq siusinnerusukkat atorneqartarsimasunit sakkukinnerusumik piumasaqaatitalik taamaallaat tunniunneqassasoq qinnuteqartoq aalisarfigineqartussami pilersaaruteqarfigisamiluunniit qullersaqarfeqarpat angerlarsimaffeqarpalluunniit, takuuk aalisarnermut inatsimmi § 10 nr.1)."

3. Piginneqatigiiffinnut taakkununnga pingasunut aalisartitseqatigiiffinnullu isumaqatigiissutissamik piareersaasiortoqarsimappat, piginneqatigiiffiit aalisagartassiissutit aalisarsinnaanissaannut, Naalackersuisut qinnuigineqarput aaqqiissutaasimasut nassuiaateqarfigeqqullugit, taakkununnga ilanngullugit isumaqatigiissusiaasimasut aalisar-nissaanni naammassillugillu tuniniarneqarneranni aningaasartuutit qanoq matuneqartinniarneqarnerisut.

Takuuk 2-mut akissut) tamat oqartussaaffigalugit attartornermut isumaqatigiissummut tunngasoq.

North Greenland Seafood ApS: Tamat oqartussaaffigalugit attartornissamik isumaqatigiissuteqarnissamut immikkut akuerineqarnermik nalunaaruteqartoqareernerata kingorna NGS aalajangersimavoq namminerisamik angalla-

tisiniarluni. Massakkorpiaq Naalackersuisoqarfimmit utaqqimaarneqarput paasissutissat erseqqinnerusut soorlu pisinermut uppersaasatit NGS-imit Royal Greenland A/S-imillu atsiorneqarsimasut, tassami pisinermut isumaqatigiissummi ilaasussaammata tunisisup pisisulluunniit naammassseqqaarsimasassai pisineq naammassineqartinnagu.

Tunumi Tsuuddii A/S Tasiilami tunisassiorfimmi nutaami sulili pilersaarusioneqartumi aalisakkanik panertunik nunatsinni tuniniarneqartartussanik tunisassiornissani pilersaarutigaa. Tunumi Tsuuddii A/S-ip pilersaarutigisimagualarpaa Kulusummi tunisassiornissani, Kulusummili mittarfiup matuneqarnissaa pilersaarutigineqalermat tunisassiornissani Tasiilamut nuusimallugu. Naalackersuisoqarfiup ingerlatseqatigiit namminersortut isumaqatigiisutai issuarniingilai, ilisimatitsissutigisinnaalluguli angallatip attartorerani ullormut aalajangersimasumik akiliuteqartoqartartussaasoq.

Arctic Prime Fisheries Kuummiuni, Nanortalimmi Qaqortumilu tunisassiorfeqarpoq. Ingerlatseqatigiiffik avammut tunisassiorsinnaanissaminut akuersissummik peqarpoq Naalackersuisoqarfilli uppersarsarlugu ilisimatineqarsimangilaq ingerlatseqatigiiffik ilumut avammut nioqquteqartarsimansoq. Naalackersuisoqarfik tamatuma saniatigut naammassillugit tunisassiat tunineqartarnerat pillugu paasissutissaateqanngilaq.

4.KNR-imi 8. august Naalackersuisut siulittaasuat oqarpoq: ”Aalisaritseqatigiiffiit ingerlalluareersut namminneq aalisariutaateqartut kisi-mik aalisagartassinneqassanngitsut, eqaatsuunissaq kissaatigaarput, piginneqatigiiffiillu nutaat periarfissikkusuppavut peqataanissaannut nutaamillu aallartinnissaannut.” Naalackersuisut siulittaasuat aamma oqarpoq, immikkut akuersissuteqarneq aalisagartassiinerlu isummani malillugu inatsimmi periarfissaqartut. Tamanna tunngavigalugu Naalackersuisut qinnuigineqarput paragraffit Aalisarnermullu inatsimmi suaniinnersut tikkuvaqqullugit, Naalackersuisut siulittaasuata oqaasi-inut tunngavilersusutit.

1) aamma 2).-mut akissutit takukkit.

5.Naalackersuisut saniatigut qinnuigineqarput nassuiaatigeqqullugu, sooq ingerlatiinnarlugu aalisarnermut inatsimmut allannguutisamik siunnersuuteqannginnersoq, malunnaqimmammi Naalackersuisut siulittaasuata maannakkut inatsisaasup ilusiligaaanera iluarinngimmagu, tassanimi allassimammat aalisagartassiissutit nammineq aalisariutaatilinnut tunniunneqartassasut.

Aalisarnej pillugu kommissionip suliassaasa ilagaat aalisarnermut inatsisip nutarterneqarnissaanut siunnersuussiornissaq.

Inussiarnersumik inuulluaqqusillunga

Finn Karlsen

Aalisarnermut, Piniarnermut Nunalerinermullu Naalakkersuisoq